


**REUNIÓN DA COMISIÓN NON
PERMANENTE DE ESTUDO PARA A
IGUALDADE E PARA OS DEREITOS DAS
MULLERES**

Día: 02.02.2017 Hora: 10:30



A Comisión non permanente de estudo para a Igualdade e para os Dereitos das Mulleres, da que vostede forma parte, reunirase o próximo día 2 de febreiro de 2017, ás 10:30 horas, no pazo do Parlamento.

A orde do día é a seguinte :

Punto 1.º.- Aprobación das normas de funcionamento da Comisión.

Punto 2.º.- Designación da Ponencia prevista na moción transaccionada número 2756 do G.P. do Bloque Nacionalista Galego aprobada polo Pleno da Cámara o 25 de xaneiro de 2017.

O que lle comunico para o seu coñecemento e a súa convocatoria á devandita reunión.

Santiago de Compostela, 27 de xaneiro de 2017.

María Cristina Romero Fernández
Presidenta

Asinado dixitalmente por:

Cristina Isabel Romero Fernández na data 27/01/2017 12:53:19

**RELACIÓN DE MEMBROS DE
COMISIÓN NON PERMANENTE DE ESTUDO
PARA A IGUALDADE E PARA OS DEREITOS DAS
MULLERES**
POR ORDE ALFABÉTICA

Mesa

Presidenta	
Cristina Isabel Romero Fernández	P
Vicepresidenta	
María Dolores Toja Suárez	S
Secretaria	
Olalla Rodil Fernández	BNG

Vogais

Marcos Cal Ogando	EM
María Luisa Pierres López	S
Paula Prado del Río	P
Noa Presas Bergantiños	BNG
Paula Quinteiro Araújo	EM

Reunión da Comisión non permanente de estudo para a Igualdade e para
os Dereitos das Mulleres

Día: 02.02.2017

Hora: 10:30

Orde do día

1. Aprobación das normas de funcionamento da Comisión.

Proxecto de Normas de funcionamento da Comisión non Permanente de estudo para a Igualdade e para os Dereitos das Mulleres

(Elaborado na reunión da Mesa da Comisión do 27 de xaneiro de 2017)

I.- Obxecto e duración

Artigo 1

A Comisión non Permanente para a Igualdade e para os Dereitos das Mulleres créase co obxecto de pór en marcha un instrumento institucional na Cámara galega que sirva de foro de estudo e de debate e ofrezca propostas de solución aos problemas principais que atinxen ás mulleres, tanto de índole laboral coma de discriminación e exclusión social noutros planos da vida pública.

A comisión estudará a situación das mulleres galegas e propondrá a adopción das medidas encamiñadas á consecución da igualdade efectiva das mulleres, que posibiliten a remoción dos atrancos que impiden a súa participación e integración na vida social, cultural, educativa, económica e política de Galicia.

Igualmente, a Comisión avaliará a aplicación nos distintos ámbitos competenciais da Lei orgánica 1/2004, do 28 de decembro, de medidas de protección integral contra la violencia de xénero e da Lei 11/2007, do 27 de xullo, de prevención e tratamento integral da violencia de xénero e continuará os traballos de avaliación da aplicación das ditas leis realizados na IX Lexislatura.

Artigo 2

A Comisión créase para a concreta función de estudo prevista no artigo 1 e extinguirase ao remate do labor encomendado e, en todo caso, ao concluír a lexislatura.

II.- Organización

Artigo 3

A Mesa é o órgano de goberno da Comisión e terá as seguintes atribucións:

- a) Recompilar todo tipo de información sobre a violencia de xénero en Galicia
- b) Organizar as actividades que se consideren necesarias para dotar a Comisión de toda a información que sexa de interese para a elaboración do ditame.
- c) Preparar os documentos que deban ser sometidos á deliberación da Comisión.
- d) Propoñerlle á Comisión un Plan de traballo, escoitadas as persoas portavoces dos grupos parlamentarios presentes na Comisión e unha vez remitidos por aquelas as correspondentes propostas de plan de traballo.
- e) Executar os acordos tomados pola Comisión.

f) Aquelas que en calquera momento lle asigne a Comisión.

III.- Funcionamento

Artigo 4

A Comisión será convocada pola súa Presidencia, de acordo coa Presidencia do Parlamento, por iniciativa propia, a petición de dous grupos parlamentarios ou dunha quinta parte das deputadas e dos deputados da Comisión.

Artigo 5

1.- A Comisión e a súa Mesa entenderanse validamente constituídos cando asistan a metade máis un das deputadas e dos deputados pertencentes a estes órganos.

2.- Os acordos adoptaranse por maioría aplicándose o criterio do voto ponderado.

IV.- Medios de acción

Artigo 6

A Comisión poderá exercer as facultades previstas no artigo 44.1 do Regulamento da Cámara. Estas facultades, atribuídas á Comisión no seu conxunto, poderán delegarse na súa Mesa, ao abeiro do disposto na resolución da Mesa do Parlamento do 11 de abril de 1986.

Artigo 7

A Comisión aprobará un plan de traballo, no que figurará o calendario xeral de actividades.

V.- Ditame

Artigo 8

A Comisión aprobará un proxecto de ditame que conterà as conclusións ás que chegue.

Artigo 9

Se a Comisión designara unha ponencia, esta elaborará o proxecto de ditame. O proxecto elevaráselle á Comisión para o seu debate e, se é o caso, a súa aprobación.

Artigo 10

Redactado o proxecto a Presidencia da Comisión remitirállelo ás deputadas e aos deputados desta no prazo previsto no calendario de actividades.

Artigo 11

As deputadas e os deputados da Comisión poderán presentar emendas ao proxecto de ditame dentro dos cinco días hábiles seguintes a súa remisión.

Artigo 12

O proxecto do ditame coas emendas presentadas será obxecto de debate no seo da Comisión, para a súa aprobación definitiva por aquela.

Artigo 13

Os grupos parlamentarios e as deputadas e os deputados da Comisión poderán formular votos particulares ao ditame cando discrepasen do seu contido. Os votos particulares deberán presentarse á Mesa da Comisión dentro dos cinco días hábiles seguintes á finalización do ditame.

Artigo 14

1.- O ditame cos votos particulares que houbese seranlles remitidos á Mesa do Parlamento, nos cinco días hábiles seguintes á súa terminación, para os efectos da súa tramitación e aprobación no Pleno, se fose procedente.

2.- O ditame cos votos particulares que houbese, serán publicados no BOPG.

Disposición adicional

Sen prexuízo do establecido no artigo 9 destas normas, a Comisión poderá designar ponencias cunha finalidade específica, sempre que o seu labor se enmarque no obxecto da Comisión e teñan a súa mesma duración.

Disposición derradeira

En todo o non previsto nestas normas aplicarase supletoriamente o Regulamento do Parlamento de Galicia.

**Reunión da Comisión non permanente de estudo para a Igualdade e para
os Dereitos das Mulleres**

Día: 02.02.2017 Hora: 10:30

Orde do día

2. Designación da Ponencia prevista na moción transaccionada
 número 2756 do G.P. do Bloque Nacionalista Galego aprobada
 polo Pleno da Cámara o 25 de xaneiro de 2017.